

Ainiro pashini antearitasanotatsiri, iquiteriniro-
taque irinti.

Aisati iojeiti iriori ineatsajeita. Ioti
yamaati. Ioti yataitiro inchato. Yoaro oitsoqui
inchato, eereshi, casaveshi. Ainiro oariri ija
pitsi, onquiro, ovaritsa inchato.

Anta pashiniqui quipatsi, ariorica ocatsincai-
teti imai. Oshequi cashiri imai, te iroimatajeaji.
Ariorica osavajencaiteanaji aisati, ari itinaajei-
tanaja, yoajeitajea aisati. Ariorica oncatsirin-
caiteanaje, ontimeri orijani.

1. ¿Antearimpa meeni?
2. ¿Jaoca ocantari iviti meeni?
3. ¿Paita yoari meeni?
4. Anta ocatsincaiteti, ¿itinaapinita maaroni
quitaiteriqui?

Yashi yoiro te onconijatimoteriji, ainti
iquemasanoti iyempitaqui. Aisati iquemeencati
ivontsoqui, iojencataquero paitarica. Ivirayee-
tari. Yoameyeetiri itaroajati. Iquijacoyeetari.
Peerani catsini itimini, ocarataque 120 osarentsi.

Icanti aparopeeni atiri:

-Tecatsi irimpeacotaquea, ioti. Itimirica
quishiriri peerani, irineajeririca aisati, ariorica
inquisavaqueri iriori.

Itimi erefante Africaqui, Ashiaqui, Indiaqui,
aisati Birmaniaqui.

1. ¿Jaoca icantari erefante?
2. ¿Jaoca ocarati itenati erefante?
3. ¿Jaoca ocantari ivirotsa erefante?
4. ¿Paíta inintantariri atiri?

iquempetari vaca aisati chivo, yoipiaquero yoari,
yatsicasanotantearori.

Aisati iraanajeri shentiriri toncaariqui.
Inintajeitiro yataiyetiro imperita.

Ariorica ameneri ovisha, ajitiro iito
orijani, antearo itsomonte. Antearimampo iviti.
Irootaque yametantarori catsincaiteri, te
inquemeroji. Ariorica osaavajencaiteanaji,
yameetitiri iviti. Yameetiro iviti, impoiiji
iquiviro, onquitemampotantanaqueari. Impoiiji
iquiriqueetiro, intijeetiro iitsaare, ivashicaro,
ishitashi, paitapeerica.

1. ¿Jaoca icantari ovisha?
2. ¿Paita inintanteetariri ovisha?
3. ¿Paita icantanteetariri pastor?
4. ¿Paita yametantarori catsincaiteri?

Yaniitapiniti impanequiqui. Tampea ojocava-
netapinitiro ivontsoqui. Yaveaquero ivontso caari
oquiavanetantari impanequi.

Ariorica iroanqueteneri ivararo, itiyeroanaca
cameyo. Yaaveaquero iquijiro 275 kilo. Aisati
iquijacotari atiri. Te irioteji cameyo. Yoashi-
yetaro paitapeerica. Te irioteji quepianirica
yoari. Intijeetiro iviti. Yovetsiqueetiro iviti
pishivaquintsi. Ireetiro otsomi. Yoyeetaro ivatsa.

1. ¿Jaoca inampitari cameyo?
2. ¿Itasheitampa cameyo?
3. ¿Paita ininteetantariri cameyo?
4. ¿Jaoca ocarati otenati ovararontsi iquijiri?

Ipotsitati, iquitamaroti, iquitioncaniroti.
Ainiro potencayetachari. Yantearitasanoti vaca,
ishintsitasanoti. Yoaro casaveshi, tirico,
paitarica. Te irantsiqueroji, iniashitaro.
Impoiji yoipiajero, yatsicasanotantearori.

Oquimotsantsati irishi. Irootaque ishaan-
cantariri shiquiri, quentiratiquei, aisati
pashini ashereaqueriri.

Oshequi ishentiri atiri vaca.

1. ¿Jaoca icantari vaca?
2. ¿Paita inintanteetariri vaca?
3. ¿Paita yoari vaca?
4. ¿Paita ijita ashereiiriri vaca?
5. ¿Paita yovetsiqueetiri itseequi?